

Decisiuns dalla radunanza communal digl cumegn da Surses

La radunanza communal digls 25 da zarcladour ò

- approvo cun gronda pluralitad e sainza cuntervusch igl protocol dalla radunanza communal digls 29 da matg 2018.
- approvo unanimamaintg igl rendachint 2017 tgi sera cun en surple d'antradas da 4'170'054 francs.
- approvo unanimamaintg igl reglamaint davart l'execuziun dalla migliuraziun generala per la vischnanca da Sur.
- approvo cun 76 cunter 5 vuschs igl credit d'impegn da 1.8 milliuns francs per la renovaziun e furmaziun nova digl kiosc e digl conturn agl Lai Barnagn (realisaziun an dus etappas). La suprastanza communal vign igl madem mument incumbensada cun l'execziun.
- approvo cun 83 vuschs e sainza cuntervusch igl credit brut da fr. 285'000.00 per la sanaziun dalla veia da gôt Spegnas a Rona.
- piglia cunaschientscha da diversas infurmaziuns.

Igl protocol dalla radunanza communal digls 25 da zarcladour vign exponia a parteir digls 13 da fanadour 2018 agl spurtegl dalla canzleia communal a Tinizong. Tottas persungas cun dretg da votar an tgossas communalas pon piglier invista digl protocol.

Tinizong, igls 29 da zarcladour 2018

La suprastanza communal Surses